

# Negara rugi RM823j akibat nelayan asing ceroboh perairan

BH 22/03/24 mls 7

Kementerian bekerjasama dengan agensi penguatkuasaan tangani isu

Oleh Farah Marshita Abdul Patah  
farahmarshita@bh.com.my

**Kuala Lumpur:** Malaysia kerugian berjumlah RM823 juta akibat pencerobohan kapal nelayan asing, antara 2020 hingga 2023.

Menteri Pertanian dan Keterjaminan Makanan, Datuk Seri Mohamad Sabu, berkata dalam tempoh itu sebanyak 428 kes direkodkan oleh Jabatan Perikanan (DOF), Agensi Penguatkuasaan Maritim (Maritim Malaysia) dan Polis Marin.

Katanya, pecahan anggaran kerugian mengikut tahun adalah RM225.22 juta pada 2020 (117 kes), RM238.69 juta pada 2021 (124 kes), RM200.19 juta pada 2022 (104 kes) dan RM159.77 juta 2023 membatik 83 kes.

“Jumlah tangkapan kapal nelayan asing yang dibuat oleh Jabatan Perikanan bagi tempoh 2020 hingga 2023 adalah sebanyak tujuh kes (2020), lapan kes (2021) dan empat kes (2022).



Nelayan asing Vietnam serta tekong ditahan Maritim Malaysia yang menceroboh perairan negara menerusi Op Damai, Op Naga dan Op Tiris pada Sabtu lalu.  
(Foto Nik Abdullah Nik Omar/BH)

“Pecahan tangkapan berdasarkan negara pula adalah sebanyak 18 kes tangkapan membatik kapal negara Vietnam dan satu kes kapal tanpa bendera,” katanya.

## Serius tangani isu

Beliau berkata demikian menerusi jawapan bertulis yang di siarkan di portal Dewan Rakyat ketika menjawab soalan Wan Razali Wan Nor (PN-Kuantan) hubung jumlah kerugian disebabkan pencerobohan nelayan asing di perairan negara bagi tempoh 2020-2023.

Mohamad berkata, kementerian memandang serius isu pencerobohan membatik aktiviti penangkapan ikan secara haram oleh kapal penangkapan ikan asing di perairan negara.

“Kementerian melalui DOF sentiasa bekerjasama dengan agensi penguatkuasaan yang lain dalam usaha menangani isu ini.

“Pencerobohan oleh nelayan asing adalah isu serius yang boleh menjejaskan kelestarian sumber daya perikanan tempatan dan mata pencarian nelayan tempatan serta kerugian kepada pendapatan negara,” katanya.